

Generelt.

- statsallmenningen er på ca. 1,2 mill. dekar
- 140 små og store fiskevatn
- ca. 130 km fiskeførande elver og bekkar
- aure er det einaste fiskeslaget.

Born under 16 år har ein lovfesta rett til fritt fiske med stong den tida fiske er lovleg. Lom fjellstyre har utvida denne retten og vedteke at alle kan fiske gratis med stong i allmenningen inntil det året dei fyller 20 år. Men born som fiskar eller deltek i fiske med annan reiskap enn stong, må løyse kort for denne reiskapen uansett alder.

Prisar og korttypar gjeldande frå 23.05.2024

Korttypar	Stong	Stong/oter/garn
Døgnkort	100 (150)	120*
3-døgn	180 (260)	205*
Veke	300 (400)	400*
Sesong	450 (545)	545(750)*

**Pris gjeld garnfiske for utanbygdsbuande. Dette kortet kan berre løysast på www.inatur.no
Familiekort i parentes.*

Tala i parentes gjeld pris for familiekort, som kan kjøpast av ektepar, sambuarpar og einslege med barn inntil det året dei fyller 20 år.
Sesongkortet gjeld for kalenderåret 1/1 – 31/12.

Dei som fiskar, pliktar å setje seg inn i dei gjeldande fiskereglane for området.

Fiskekort-Jotunheimen er eit stongfiskekort som gjeld for heile Jotunheimen NP, og er eit samarbeid mellom fjellstyra i Vågå, Luster og Lom.

Fiskereglar for Vårdalen, Visdalen og Leir- og Bøverdalen statsallmenning.

Lom fjellstyre har i medhald av Fjelleva, siste gong med endringar i sak nr. 28/2013, sak 9/2022 og sak 21/2023 vedteke desse reglane for fiske i Vårdalen, Visdalen og Leir- og Bøverdalen statsallmenningar.

1. Alt anna fiske enn fiske med stong og handsnøre, er forbode frå og med den 20.9. til og med den 31.10. I same tidsrommet er fiske med stong og handsnøre likevel forbode i elver og bekkar der auren gyter, og i vatn nærare enn 50 meter frå inn- og utlauselver der auren gyter.

2. Utlendingar har berre lov til å fiske med ei stong eller eitt handsnøre.

3. Fastbuande i Noreg har lov til å fiske med ei stong eller eitt handsnøre, og lov til å fiske med oter på alle vatna unnateke desse: *Sylvetjernet, Eilevsvatnet, Leiråstjernet og Halsatjerna (Bakkebergstjerna).*

4. Fiske med fastståande reiskap er tillatt for alle busett i Norge, med unntak av desse vatna: *Eilevsvatnet, Børjetjern, Leiråstjernet, Preststeinsvatnet, Sleive, Mefjellsvatnet, Rundhaugstjernet og Fantesteinsvatnet.* På desse vatna er fastståande reiskap tillate berre for dei som siste året har vore, og framleis er fast busette i kommunen der allmenningen ligg. For fiske med fastståande reiskap gjeld:

a) Dei vatna der garnfiske er tillate, er opplista i den etterfylgjande tabellen, der det går fram kor mange garn det er lov å fiske med pr. kort, lovleg maskestorleik og tidsrommet for fiske på dei ymse vatna.

Lokalitet	Ant. garn pr. kort	Tidsrom	Lovleg maskevidde
Høyoytjern, Hovdelangtjern, Tjerna Panna og Troget i Kyrkjeglupen, Tverbyttjernet i bukkebotn, Øvre Nufstjernet, Langtjernet og Lågtungetjernet.	6 stk.	Inga avgrensing utover haustfredinga	2 stk. 24mm skal alltid vere med, elles 29 mm. eller større.
Bøverkinntjerna (Tjønne) og Leiråstjernet	5 stk.	f.o.m.31/7 t.o.m. 19/9	
Svartdalsstj., Svartdalsvatnet, Merrahøvatnet, Høgbrevvatnet, Høytjerna, Langvatnet, Dalsvatnet *, Kyrkjettjernet, Steinbuvatna, Skardalsvatnet, Trondsholtj., Høgvagltjerna, Hinnotjernet, Liabrevvatnet, Semmelholstjern, Tverbyttjernet i Visdalen, Titongtjernet, Grislettjernet, Leirtjernet på Skautflya og Trollsteintjernet	10 stk.	Inga avgrensing utover haustfredinga	35 mm. el. større
Vestre Børjetjernet, Eilevsvatnet, Fantesteinsvatnet, Mefjellsvatnet, Juvvatnet og Svarttjernet i Dummdalen,	6 stk.	f.o.m.31/7 t.o.m. 19/9	40 mm. el. større
Øytjernet, Ekorttjernet og Sjøhesten i Raudalen, Hesttjernet, nordre og søre Trøyse og Fate i Urdadalen og Reinstindvatnet.	6 stk.	Inga avgr. utover haustfredinga	40 mm. el. større
Prestesteinsvatnet, Sleive, Aurkvee, Skuggevatnet, Nufsvatnet og Rundhaugtjernet	6 stk.	f.o.m.31/7 t.o.m. 19/9	35 mm. el. større
Leirvatnet	10 stk.	Inga avgr. ut over haustfredinga	29 mm. el. større
Storvatnet, Høyvatnet**, Bøvertensvatnet**	Fritt antal		Fri maskevidde

**På Dalsvatnet kan det i tillegg til 10 garn på 35 mm. el. større, brukast 4 garn på 24 mm. el. mindre. Lom Prestegard har ein retten til garnfiske her.*

*** På Høyvatnet og Bøvertensvatnet skal det alltid vera med 2 garn på 24 mm. pr. kort.*

- b)** Kwart garn skal ikkje vera lenger enn 25 meter, og kan ha ei høgd på inntil 1,9 meter.
- c)** Ein og same personen kan ikkje fiske på fleire enn eitt vatn med faststående reiskap (garn eller reiv) pr. natt, og kan ikkje ha meir enn eitt fiskekort for garnfiske.
- d)** Stong eller handsnøre som er utsett frå land, vert rekna som faststående reiskap.
- e)** Faststående reiskap skal merkast med garnkuler eller annan flytande, lett synleg gjenstand med brukaren sitt namn.
- f)** F.o.m. dato gjeld kl. 12.00, og t.o.m. dato gjeld kl. 12.00 på dagtid. Mellom kl. 10.00 og kl. 16.00 er det ikkje lov å garn eller reiv ståande i vatna.

5. I alle andre tjern og vatn enn dei som er opplista i tabellen, er berre fiske med stong, handsnøre, reiv og oter lovleg.

6. Bruk av båt ved utøving av fiske er lov på alle vatna. Ved ulovleg fiske frå båt, når to eller fleire driv saman, blir roaren stilt på lik line med den som handterer reiskapen. Bruk av motorbåt i samband med fiske er lovleg berre på Storvatnet og Prestesteinvatnet (ikkje Sleive).

7. Lom fjellstyre og Luster austre fjellstyre har ei samarbeidsavtale om fisket på Mefjellsvatnet og Rundhaugstjernet. På desse vatna kan du fiske på heile vatnet enten du har fiskekort for statsallmenningen i Lom eller Luster. Dette gjeld både for fiske med faststående reiskap og med stong eller oter.

8. Brot på desse reglane vil bli påtala. Reglane tek til å gjelde frå den 05.06.2013

Lom fjellstyre har fleire godt utstyrte hytter rimeleg til utleige i allmenningen. Vi har også båtar for utleige ved fire av fiskevatna. Kontakt fjellstyrekontoret eller oppsynet for fleire opplysningar.

Utdrag frå Forskrift om fisket i Oppland fylke

§ 1: I elver og bekkar er det til kvar tid berre tillate å fiske med stong og handsnøre. Håv kan brukast som hjelpereiskap, og til håvfiske etter sik og harr.

§ 3: I vatn nærare enn 50 m frå inn- eller utløpselvar og bekkar der aure gyter, er det forbode å fiske med bunden reiskap i perioda 1. september til t.o.m. 31. desember.

§ 7: Alle pliktar å la fiskeoppsynet kontrollere at fiske skjer forskriftsmessig (jfr. § 42 i lov om laksefiske og innlandsfiske m.v. nr. 47). Brot på desse forskriftane er straffbart (jfr. § 49 i lov om laksefiske m.v. nr. 47).

Fiskekort kan kjøpast på www.inatur.no

Kontakter og adresser:

Lom fjellstyre, Brubakken 2, 2686 Lom
Heimeside: www.lom-fjellstyre.no
E-post: lom@fjellstyre.no
Kontorstad: Norsk fjellsenter
Fjelloppeyn Åsmund Galde: 92893226
Fjelloppeyn Eilev Hellekveen: 99712939



FISKE

i Vårdalen, Visdalen og
Leir- og Bøverdalen
statsallmenning.
Lom kommune.

Orientering og fiskereglar.

